



ԵՐԿՈՒՇԱՔԹԻ, 19 ՅՈՒՆԻ, 2021

ՏԵՐՈՒՆԱԿԱՆ ԱՂՈԹՔ

(միասնաբար արտասանուած)

Իմաստութիւն Հօր Յիսուս, Կուր ինձ իմաստութիւն վբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա վիս. եւ ողորմեա քո արարածոց եւ ինձ բազմամեղիս: Ամէն:

ՄԱՂՄՈՍ 119


ԱՍՏՈՒԾՈՅ ԽՕՍՔԸ ԿԵԱՆՔԻ ԼՈՅՍ

Խօսքդ ճրագ է քայլերուս,
լուսաւորող՝ ճամբաներուս:
Երդուն ըրի եւ խոստացայ՝
արդար վճիռներդ գործադրել:
Տառապանքս շար ծանր է, Տէր,
կեանք Կուր ինձի, քու խոստումիդ համաձայն:
Աղօթքներս կամաւոր ընծայի տեղ ընդունէ, Տէր,
եւ օրէնքներդ սորվեցուր ինձի:
Թէպէտ կեանքս յարատեւ վտանգի մէջ է,
սակայն Օրէնքդ բնաւ չեմ մոռնար:
Ամբարիշտները ինձի համար թակարդ լարեցին,
սակայն ես չշեղեցայ հրահանգներէդ:
Ինձի յաւիտենական ժառանգութիւն դարձուցի պատուիրաններիդ,
որովհետեւ սրտիս ուրախութիւն են անոնք:
Որոշած եմ կանոններիդ կատարել,
այդ է յաւիտենական վարձատրութիւնս:

ՇԱՐԱԿԱՆ-ԱՂՈԹՔ

Տէր ողորմեա, Տէր ողորմեա, Տէր ողորմեա, Տէր ողորմեա:
Ամենասուրբ Երրորդութիւն, սուր աշխարհիս խաղաղութիւն:
Եւ Հիւանդաց բժշկութիւն, ննջեցելոց արքայութիւն:
Արի Աստուած Հարցն մերոց, որ ապաւէն ես նեղելոց:
Տէր ողորմեա, Տէր ողորմեա, Յիսուս Փրկիչ մեզ ողորմեա:

Պահապան ամենայնի Բրիստոս,
այ քո հովանի լիցի ի վերայ իմ ի տուէ եւ ի գիշերի,
ի նստիլ ի փան, ի զնայ ի ճանապարհ,
ի ննջել եւ ի յառնել, զի մի երբեք սասանեցայց.
եւ ողորմեա՛ քո արարածոց եւ ինձ բազմամեղիս:

ՕՐՈՒՄՆ ՆԻԹԸ

ԱՌԱԿԱՑ 13 ԳԼՈՒԽ

ԻՄԱՍՏՈՒԹԻՒՆ ԵՒ ԲԹԱՍՏՈՒԹԻՒՆ 13:1-11

Իրապես եթե երբեք այդ իմաստով կարդանք ու փորձենք հասկնալ, ապա Աստուծոյ Խօսքը լոյս է եւ ճրագ մեր ամբողջ կեանքի փառաբանութեան ընթացքին: Միրելիներ, պէտք է որ կարիքը զգանք, որպէսզի նաեւ արժէքը իմանանք ըստած խօսքին: Եթե երբեք եւ լոյսին կարիքը չեմ զգար, ապա լոյսին մասին խօսիլը անիմաստ կը դառնայ, յաճախ ձանձրացուցիչ: Բայց երբ է որ լոյսին կարիքը կը զգամ երբ զգամ որ մութի մէջ եմ: Երբ ընդունիմ որ առանց լոյսին չունիմ կարողութիւնը փեսնելու: Նոյնպէս ալ Աստուծոյ խօսքին պարագային: Ահա այս հասկացողութեամբ է որ պէտք է կարդանք Աստուածաշունչ Մատեանը: Երկրորդ, հեղափոխական է, որ եկեղեցւոյ հայրերը փորձած են փեսնել Առակաց, Ժողովողի եւ Երգ Երգոց գիրքերուն մէջ հեղեմալ համեմատականը՝ հաւաքքի, յոյսի եւ սիրոյ: Այլ խօսքով՝ Առակաց գիրքը որպէս հաւաքք ջամբող, փոխանցող, Ժողովողի գիրքը որպէս յոյս ներշնչող, իսկ Երգ Երգոց գիրքը որպէս սիրոյ արտայայտութիւն Աստուծոյ եւ մարդուն, Քրիստոսի եւ Եկեղեցիին միջեւ: Ահա այս իսկ իմաստով, երբ Առակաց գիրքը կը կարդանք, եւ առակներու ճամբով իմաստուն խօսքեր կը փոխանցուին մեզի, առնենք այնպէս մը, ինչպէս պիտի ըսէր Պօղոս Առաքեալ. «Հաւաքքը կու գայ լսելէն, լսելը Աստուծոյ Խօսքի քարոզութենէն», որ կը նշանակէ, լայն բանանք մեր ականջները, խոնարհութեամբ պատրաստենք մեր սրտերը, որպէսզի երբ լսենք իմաստուն խօսքերը չարհամարհենք, թէկուզ եթե երբեք յանդիմանական ըլլան, որովհետեւ դարձեալ Պօղոս Առաքեալ պիտի ըսէ. «Եթե Աստուած ձեզ յանդիմանէ, ուրախացէք, որովհետեւ իբրեւ հայր ուրեմն կը սիրէ ձեզ» Երբ 12:5-8:

Առակաց գիրքը ոչ միայն հաւաքք արդնցնելու, այլ նաեւ ստրվեցնելու թէ ինչպէս ապրիլ այս կեանքը, ու մանաւանդ ինչպէս օգտագործել այն ամէնը որ փրուած է մեզի: Յաճախ, փակաւին չըսելու համար, որ մենք որպէս մարդ արարածները ընդհանրապէս ապրելու եղանակը չենք գիտեր, ընդհանրապէս մեզի փրուածին արժէքը չենք գիտեր մինչեւ որ կորսնցնենք զայն, որ արդէն ուշ կ'ըլլայ: Ահա Առակաց գիրքը այդ պարտականութիւնը յանձն առած կու գայ ստրվեցնելու, յիշեցնելու, ուղղութիւն փալու, լուսաւորելու մեր ընթացքը, որպէսզի ճիշդ ճանապարհով ընթանանք, այլապէս որովհետեւ հեղեմալները կան, որոնք անխուսափելի են: Անխուսափելիութիւնը ոչ միայն այս երկրաւոր կեանքի համար, այլ ամենակարեւորը՝ զաւիթին, որ նաեւ ուրիշ բան չէ եթե ոչ դատաստանի, հաշուարտութեան հասկացողութիւնը: Ուստի, փեսէք Աստուծոյ ողորմութեան չափը, որ կ'ուզէ մարդ արարածը նախքան այս աշխարհէն մեկնումը պատրաստուի այնպէս մը, հաւաքքով, յոյսով ու մանաւանդ՝ սիրով, որպէսզի երբ հանդիպի իր արարաչին կարենայ ժառանգորդը դառնալ յաւիտենական կեանքին:

Կրկնութեան գնով, Առակաց գիրքը դարձեալ կը խօսի, կը պատուիր, կը յիշեցնէ խրատը մտիկ ընելու անհրաժեշտութիւնը, բերնին օգտագործման եղանակը, գուսպին եւ անգուսպին վիճակը, ծոյլին եւ աշխատասէրին հեղեմալները: Արդարութիւն գործողին եւ չարութիւն գործողին աւարտը; Ճշմարիտ հարուստին ու ճշմարիտ աղքատին վիճակը, ինչ որ Քրիստոս Իր ուսուցումներուն մէջ նոյն բացատրութիւնը պիտի փար: Արդարներուն լոյսը եւ ամբարիշտներուն ճրագը:

Այս բոլորը խորքին մէջ կու գան ցոյց փալու, թէ բոլորովին փարբեր չափանիշներ են աստուածային ու մարդկային չափանիշները: Անոր համար ալ Առակաց գիրքը կու գայ ցոյց փալու այդ բոլորը, որպէսզի մարդ արարածը, որուն կեանքի օրերը համրուած են, ինչպէս պիտի ըսէ Մաղմուսերգուն, կարենայ ըստ այնմ պատրաստուիլ, մանաւանդ երբ այս ժամանակաւոր կեանքի աւարտը գողի մը պէս է, որ ոչ ոք գիտէ անոր օրն ու ժամը թէ երբ պիտի գայ: Իսկ թէ հիմա քանի ժամանակը մեր ձեռքն է, պիտի ըսէ Պօղոս Առաքեալ օգտագործենք:

Հետեւաբար, եկէք այս գիտակցութեամբ ոչ միայն կարդանք Առակաց գիրքը, այլ՝ այս գիտակցութեամբ պատրաստուինք, միշտ մեր մտքին պատարին վրայ ունենալով Աստուծոյ ողորմութիւնը, սէրը ու մանաւանդ՝ համբերատարութիւնը, բայց նաեւ չմոռնանք որ կայ այդ բոլորին աւարտը: